

NEQEROORTITSINERMI TUNNGAVIGISAQ

ANARTARFILERINEQ



KOMMUNE QEQERTALIK QEQERTARSUAQ

INOQARFIK



Imarisaa

1	Neqeroortitsinermi piumasaqaatit	3
2	Sullissinerup allaaserinera.....	3
3	Suliakkerneqartup Kommunillu akornanni suleqatigiinneq	6
4	Akisussaaffiit agguataarneri.....	6
5	Anartarfilerinermi atortunut tunngatillugu.....	6
6	Kommune Qeqertaliup akiligassiisarnermi piumasaqaataa	7
7	Isumaqatigiisummik atorunnaarsitsineq	8



1 Neqeroortitsinermi piumasaqaatit

Suliami pineqarput Qeqertarsuarmi anartarfiit kuutsittagaangitsut puussiartaannik ingitsinnissamut nalunaarsorsimasunik sullissineq.

1.1. Inatsisitigut tunngavissat:

Pisortat oqartussaaffigisaanni suliffeqarfinilu nioqqutissanik kiffartuussinernilu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. Juni 2019-meersoq

Avatangiisit innarlitsaaliorneqarnissaannik Inatsisartut inatsisaat nr. 9, 22. November 2011-meersoq

Anartarfiit aamma imermik errortuivikumik anartarfiillu imaannik eqqaaneq pillugit Namminersornerullutik Oqartussat nalunaarutaat nr. 27, 17. September 1993-meersoq

1.2. Neqeroortitsisoq:

Kommune Qeqertalik Qeqertarsuaq, Holten Møllerip Aqq. B-510, 3953 Qeqertarsuaq, qeqertarsuaq@qeqertalik.gl, 70 19 00.

Attaveqaataasoq: Inoqarfimmi afdelingsleder, Najattaannguaq Mølgaard, naml@qeqertalik.gl, 70 19 00.

1.3. Neqeroortitseriaaseq

Neqeroortitsisup allakkami matumani tamanut suliariumannittussarsiuussinertut pisussanngorlugu toqqarsimavaa, kingornagullu isumaqatiginninniarnissamut periarfissaqartillugu.

1.4. Isumaqatigiissutip sivilissusaa:

01.09.2021 - 31.08.2023

1.5. Neqeroortitsinermit tunngaviit:

Neqeroortitsinermit tunngavissatut allaatigisaq naapertorlugu sulineq ingerlanneqassaaq.

Allakkami matumani neqeroortitsinermit atugassat nassaassaasinnaasulluunniit Kalaallit Nunaanni, Nunanilu tamalaani inatsisit, peqqussutit, nalunaarutit, oqartussat piumasaqaataat maleruagassaallu il.il. atuutsinneqartut.

Suliassat suliarineqarnerini, suliakkerneqartoq oqartussaniit akuersissutinik pisarialinnik tamanik tamatigut peqartussaavoq.

Suliakkerneqartup piumasaqaatit, inatsisit maleruagqusallu atuuttut ilisimaareqqinnaarnissaat qulakkiissavaa.

1.6. Neqerooruteqarnissamut piffissarititaq:

Neqeroorut kingusinnerpaamik attaveqaataasumut imaluunniit saaffiginnittarfimmut tunniunneqareersimassaaq:

Ataasinngorneq 23. August 2021, nal. 15:00.

Neqeroornermi tunngavissaq immersugassarlu Kommune Qeqertaliup nittartagaatigut aaneqarsinnaavoq: www.geqertalik.gl iserfigalugu, imaluunniit saaffiginnittarfimmut saaffiginnikkut.

1.7. Neqeroorummut piunasaqaatit tunniussinerlu:

Neqeroorut kalaallisut imaluunniit danskisut allassimassaaq.

Neqeroornermi immersugassami suliassat piunasaqaatigineqartut tamakkiisumik naatsorsorneqarnerisa inernerat allanneqassaaq.

Neqeroornermi immersugassaq immersoriarlugu allakkap puuanut ikineqassaaq, neqeroortup aqqa, najugaa attaveqaataalu allanneqassapput. Allakkap puua nalunaaqutserneqassaaq ima: "Allagaatilerisumit ammarneqassanngilaq – Qeqertarsuarmi anartarfilerineq"

1.8. Nangaaneq

Nangaaneq akuerineqarsinnaanngilaq.

1.9. Neqeroorutiniq ammaaneq

Neqeroorutit ammarneqassapput Kommunep ataatsimiittarfiani, ulloq:

23. August 2021, nal. 15:15. Neqeroortut ammaanermi peqataanissamut tikilluaqqusaapput.

1.10 Neqeroorummik toqqaaneq nalunaarutiginninnerlu:

Suliaqarnissamut piunasaqaatinik naammassinnissimanissaaq piunasaqaataavoq.

Neqeroorut akiliersinnaanerpaq isumaqatigiissusiornissamut tunngavigineqassaaq, matumani pingaarnertut suliaqarnermut akigititaq pitsaassuserlu nalilersuutigineqassallutik.

Neqeroortitsinerup inerneru neqeroortunut allakkatigut nalunaarutigineqassaaq.

Isumaqatigiissuteqarfissatut siunnerfigisaaq aggersaammik nassinneqassaaq, oqaloqatigiinnerit aallartinnissaat naatsorsuutigineqassaaq sap.ak. 34-mi ingerlanneqassasoq.



2 Sullissinerup allaaserinera

2.1 Anartarfiit kuutsittagaangitsut inginneqartartussatut nalunaarsorsimasut tamarmik katersorneqartassapput.

2.2 Anartarfiit puussiartaanik annissineq ikkussinerlu atuisumit isumagineqassaaq. Anartarfiit puussaat atuisumit silamut anninneqareersimasut anartarfilerisumit katersorneqartassapput.

2.3 Illup iluanut iserluni anartarfiup puussaanik aallerneq nutaamillu ikkussineq Kommunemut attuumassuteqartinneqassangilaq, saniatigullu akiligassaliornerit akuerineqarnaviangillat.

2.4 Anartarfilerineq pisassaaq: Ataasinngornermiit tallimangorneq ilanngullugu, nal. 07:00 – 18:00 iluani.

Anartarfiup puussai katersoriarlugit imarisai kueraavimmut innersuunneqartumut kuiartorneqartassapput, puussiartaalu poortorluariarlugit Kommune Qeqertalimmi eqqaaveqarfimmut innersuussamut ingerlanneqartassallutik.

2.5 Nalliuttuni aallertarnerit ullunut taakkununga qaninnerpaani pisassapput, aamma nalliuttut qaangiunnerini ulloq suliffiusoq siulleq atorlugu pisassapput.

2.6 Ingerlatsinermi akornutit annikinnerusut anartarfilerisumit toqqaanaq iliuuseqarfigineqartassapput, soorlu puussiat ajoqusersimappata, ingitsinngittoortoqarsimappat il.il.

Atuisut toqqaanaq anartarfilerisumut attaveqarsinnaatitaassapput.

2.7 Ingerlatsinikkut unittoortoqartillugu anartarfilerisoq pisussaavoq angallassissutitigut nammineq aningaasartuutigisassaminik iluarsiiisuteqarnissamut, piaartumillu akornutaasoq pillugu Kommune Qeqertalik Qeqertarsuarmi attaveqaataasumut nalunaaruteqarluni.

2.8 Ingerlatsinikkut akunnakusoortoqartillugu anartarfiit puussiartaanik katersineq imaluunniit imaarsineq pilersaarutit malillugit ingerlanneqarsinnaatinnagu, anartarfilerisoq pisussaavoq kingoraartissanik erngertumik atugassiisuteqarnissaminut, kiisalu Kommune Qeqertalik Qeqertarsuarmi attaveqaataasumut saaffiginninnissaminut.

2.9 Suliffiup nalaani imigassartortoqannginnissaa imaluunniit aannngajaarniutitik atuisoqannginnissaa piumasqaataavoq.



3 Suliakkerneqartup Kommunellu akornanni suleqatigiinneq

3.1 Tunngaviusumik suleqatigiinneq pillugu:

Anartarfilerinermi suliakkerneqartup Kommunillu akornanni suleqatigiinneq pitsaasumik, ataqqeqatigiiffiusumik ileqqorissaarnermillu tunngaveqartumik imaqartinneqassaaq.

3.2 Sulianut tunngasumik imaluunniit suleqatigiinnermi pitsanngorsagassaaqartillugu aaqqiissuteqarnissaq ataqqinnittumik oqaloqatigiinnikkut anguniarneqartassaaq.

4 Akisussaaffiit agguataarneqarnerat

Anartarfilerinermik suliakkerneqartoq:

4.1 Anartarfilerinermik suliakkerneqartup qulakkiissavaa sulisut nukillaarnermut – poliomut, noqartarnermut kiisalu tingulluummut Hepatitis A-mut aamma B-mut akiuussutissamik kapitissimanermut allagartaqarnissaat

4.2 Anartarfilerinermik suliaqartup sulisuisa sullivimmi avatangiisit pillugit malittarisassat malittassavaat aamma sullivimmi avatangiisit, inuttut eqqiluitsuunissaq aamma suliaqarnermi oqimaattunik kivitsisarnissat pillugit ilitsersorneqartassapput.

4.3 Anartarfilerinermik suliaqartoq oqarasuaateqassaaq, taamaalilluni Kommune Qeqertalik atuisullu sulinerup nalaani anartarfilerisumut attaveqarsinnaaqqullugit

4.4 Pissutsit suliassaqarfiup iluanut tunngassutillit pingaaruteqarsinnaasut tamaasa sullissisup Kommune Qeqertalik Qeqertarsuarmi attaveqaataasumut nalunaarutigineqartassapput

4.5 Anartarfilerinermik suliaqartup nammineq pisuussutigisaminik allat pigisaanik imaluunniit Kommunip illuutaanik atortuinilluunniit il.il. ajoqusiissagaluaruni, ajoquserneqartut iluarsaanneqarneri nammineerluni aningaasartuutigissavai

4.6 Kukkusoqarsimatillugu amigaateqartoqartilluguluunniit anartarfilerinermik suliaqartoq Kommune Qeqertalik Qeqertarsuarmi attaveqaataasumut nalunaaruteqartassaaq, pisariaqartutullu nalilerneqarpat atuisunut nalunaaruteqartoqartassaaq

4.7 Sulisut akissarsiaat sulinngiffeqarnerisutisiassat ilanngullugit kiisalu sillimmasiissutit assigiinngitsut anartarfilerinermi suliakkerneqartumit akilerneqartassapput. Anartarfilerinermik suliakkerneqartup pisussaaffigaa nammineq sulisumilu akiuussutissamik kapitinnissatik, tamannalu pillugu peqqinnissaqarfimmut attaveqarnissani.



Kommune Qeqertalik:

4.8 Kommune Qeqertalik nammineerluni anartarfiit puussaanik pisisassaaq, allamik isumaqatigiissusortoqarsimatinnagu.

4.9 Anartarfiit puussiartaanik ingitsinnissamut nalunaarsorsimasut tankinillu imaartittartut qaammatit tamaasa nalunaarsorneqartassapput, qasseriarlutik imaarneqarnerisut kiisalu illut B-normui tamaasa, najugaqartullu suliffeqarfiillu aqqisa allattorneqarneri ilanngullugit paasissutissiisutigalugit. Nalunaarsukkat taakkua Kommune Qeqertalik Qeqertarsuarmi inoqarfimmut nalunaarutigineqartassapput.

4.10 Anartarfiit puussaanik aallertarnerit amerlassusaat allannguuteqartillugit imaluunniit kiffartuunneqarnermik taamaatitsinerit ilanngunnernillunniit nalunaaruteqartoqartillugu tamanna Kommune Qeqertaliup anartarfilerinermi suliaqartumut nalunaarutigisassavaa.

4.11 Kiffartuussinermut allattorsimaffimmik nutarterineq anartarfilerinermik suliaqartup kiisalu Kommune Qeqertalik Qeqertarsuup akornanni isumaqatigiissuteqarnikkut pisassaaq

4.12 Piffissap suliffiusartup nalinginnaasup iluani Kommune Qeqertalimmi attaveqaataasoq oqarasuaatikkut 70 19 00 aqqutigalugu attavigineqarsinnaavoq. Suliffiup nalinginnaasup avataatigut attaveqarfissat qanoq pissarsiarineqarsinnaanersut pillugit ingerlatsinermut akisussaasuusoq, tamatumuuna isumaqatigiissuteqarfigineqartassaaq.

Anartarfiit puussiartaasa aaneqartarnissaannik nalunaarsorsimasut:

4.13 Anartarfiit puussiartaasa aaneqartarnissaannik aqqissuussamut ilanngunniartut, allannguiniartut atorunnaarsitsiniartullunniit Kommune Qeqertalimmut immersuiartortassapput imaluunniit nittartagaq aqqutigalugu imminut sullinnikkut nalunaaruteqarneq.

4.14 Anartarfiit puussiartaanik annissineq, ikkussineq atuisumit namminermit isumagineqartassaaq. Allatut pisariaqartitsisoqarnerani, illumut iserluni

5 Anartarfilerinermi atortunut tunngatillugu

5.1 Illoqarfimmi anartarfilerinermik sullissinermi atortut suliaqartumit namminermit pigineqassapput.

5.2 Anartarfilerinermik suliaqartup anartarfiit puussiartaasa assartornerinut atugassaminik assartuummik motorilimmik suliamut naleqquttunik pissarsinissani nammineq isumagissavaa.

Anartarfilerinermik suliaqartup assartuutaata motorillip ingerlanneqarneranut aamma aserfallatsaaliineqarneranut aningaasartuutit Kommune Qeqertaliup susassarinnigilai.

5.3 Assartuutit motorillit tamat aqquernatigut ingerlaarsinnaasutut nalunaarsorneqarsimassapput.



6 Kommune Qeqertaliup akiligassiisarnermi piumasaqaatai

6.1 Assartuutit motorillit tamat aqqusernatigut ingerlaarsinnaasutut nalunaarsorneqarsimassapput.

6.2 Atuisut akiligassaat Kommune Qeqertalik-up isumagisassavai. Allannguutitut nalunaarutit kiisalu ilaajunnaarnermi ilaalernermilu nalunaarnerit Kommune Qeqertalimmit suliarineqartassapput.

6.3 Anartarfilerinermik suliaqartoq piffissaalluartillugu Kommune Qeqertalimmut akiligassamik nassiussisassaaq.

6.4 Kommune Qeqertalik-up kingumoortumik qaammatikkuutaartumik anartarfilerinermik suliaqartoq siumoortillugu isumaqatigiissutaasut malillugit aningaasanik tunniussisassaaq.

7 Isumaqatigiissummik atorunnaarsitsineq

7.1 Isumaqatigiissuteqartut akunnerminni isumaqatigiingissuteqalissagaluarunik imaluunniit suleqatigiinnermi ajornartorsiuteqalissagaluarunik ataqpeqatigiissummik oqaloqatigiinnikkut aaqqiissuteqarnissartik anguniartassavaat

7.2 Sullissinissamik isumaqatigiissusiaq illuatungeriit arlaannit qaammatit pingasut sioqqullugit ilisimatitsinikkut taamaatinneqarsinnaavoq

7.3 Sullissinissamik isumaqatigiissummik sumiginnaasoqassagaluarpat isumaqatigiissut Kommune Qeqertalimmit ingerlaannartumik atuutilersumik atorunnaarsinneqarsinnaavoq



1 Ilanngussat allattorsimaffiat

Ilanngussaq 1 Neqeroornermi allattuivik

Ilanngussaq 2 Suliart amerlassusaat

Ilanngussaq 3 Atuisunut nalunaarut